

Saksprotokoll i fylkesutvalet - 08.03.2016

Anne Beth Njærheim (V) sette fram slikt forslag:

"Fylkesutvalet går inn for at tannhelseplanen blir sendt attende til fylkesadministrasjonen for ny og grundigare vurdering, ny høyringsrunde og endeleg politisk handsaming i løpet av hausten 2016.

Inntil et eventuelt vedtak bekrefter at regionalt forvaltningsorgan fortsatt skal ha ansvar for tannhelse, skal man i større grad vektlegge kommunenes høyringssvar ved forslag om større strukturendringer."

Røysting (forslaget om utsetjing)

Njærheim sitt forslag fekk 6 røyster (V, H, MDG, SV) og fall.

Aud Karin Oen (SV) sette fram slikt forslag:

1. "Fylkestinget går mot å leggja ned alle klinikkar på noverande tidspunkt. Dette grunna i den store kommunereforma som er i arbeid. Det er og truleg at tannhelsetenesta skal overførast til kommunane og det er difor naturleg å handsama denne saka når ein har betre oversikt over korleis kommunestrukturen ser ut.
2. Fylkestinget meiner at ein desentralisert tannklinikkstruktur er best for brukarane. Lang reisetid medfører at born og andre som treng fylgje, bebuarar på sjukeheimar som treng transport og fylgje av pleiarar må reisa lenger. Det vert å skuva kostnader frå fylkeskommunalt nivå til kommunalt og individnivå. Elevar får større fråvær."

Mona Røsvik Strømme (H) sette fram slikt forslag:

"Fylkesrådmannen sitt forslag, med slike endringar:

1. Aust tannhelsedistrikt
Ingen endring, som innstillinga.
2. Nord Tannhelsedistrikt
Endring i punkt b)
Fedje tannklinikk, Masfjorden tannklinikk og Modalen tannklinikk vert oppretthalden inntil kommunestruktur og oppgåvefordeling er avklart i 2017.

Endring i punkt d)
Noverande Knarvik tannklinikk blir lagt ned når Helsehuset Nordhordland står klar til bruk. Frekhaug tannklinikk og Manger tannklinikk vert oppretthalden inntil kommunestruktur og oppgåvefordeling er avklart i 2017.
3. Sentrum tannhelsedistrikt
Ingen endring, som innstillinga.
4. Sør tannhelsedistrikt
Endring i punkt b)
Rosendal tannklinikk vert oppretthalden inntil kommunestruktur og oppgåvefordeling er avklart i 2017.
5. Vest tannhelsedistrikt
Ingen endring, som innstillinga."

Røysting

Oen sitt forslag fekk 3 røyster (SV, V, MDG) og fall.
Strømme sitt forslag fekk 5 røyster (H, MDG, V) og fall.
Innstillinga fekk 9 røyster (A, Sp, KrF, Frp) og vart vedteken som innstilling til fylkestinget.

Innstilling til fylkestinget

Framtidig klinikkstruktur i tannhelsetenesta i Hordaland for planperioden 2015-2030 er:

1. Aust tannhelsedistrikt

Tannhelsetilbodet i Aust tannhelsedistrikt vil i løpet av planperioden bli konsentrert om 3 store tannklinikkar – Norheimsund tannklinikk, Odda tannklinikk og Voss tannklinikk.

Klinikkstrukturplanen inneber vedtak om:

- a) **Granvin tannklinikk** blir lagt ned i 2016. Pasientane blir overførte til Voss tannklinikk.
- b) **Ulvik tannklinikk** og **Lofthus tannklinikk** blir oppretthalden. Ny vurdering når kommunestruktur og oppgåvefordeling er avklart.
- c) Kjøp av tenester frå privat tannlege i Vaksdal blir avslutta når vedkomande går av med pensjon i 2017.
- d) **Dalekvam tannklinikk** blir lagt ned når ny tannklinikk i Indre Arna er ferdig i 2018. Pasientane kan velja mellom tannhelsetilbod på Voss tannklinikk eller Indre Arna tannklinikk.
- e) Det kan bli aktuelt å bygga ny tannklinikk i Odda i løpet av planperioden.

2. Nord tannhelsedistrikt

Tannhelsetilbodet i Nord tannhelsedistrikt vil i løpet av planperioden bli gitt på 5 store tannklinikkar – tannklinikk i Nordhordland Helsehus, Lindås tannklinikk, Åsane tannklinikk, Hesthaugen tannklinikk og Indre Arna tannklinikk, og ein mindre tannklinikk på Osterøy.

Klinikkstrukturplanen inneber vedtak om:

- a) **Lindås tannklinikk** blir oppretthalden.
- b) **Fedje tannklinikk, Masfjorden tannklinikk og Modalen tannklinikk** blir lagt ned i 2016 og pasientane kan velja om dei vil ha tannhelsetilbodet på Knarvik tannklinikk eller på Lindås tannklinikk. Lindås tannklinikk vert flytta til Austrheim vgs når ny skule står ferdig
- c) **Ny tannklinikk i Indre Arna** blir etablert i 2017 med kapasitet til å gi et tannhelsetilbod til pasientar frå Arna, delar av Vaksdal og delar av Samnanger.
- d) **Ny tannklinikk i Helsehuset Nordhordland** blir etablert i 2018 med 10 behandlingsrom. Helsehuset Nordhordland er under planlegging, og tannhelsetenesta deltek i prosjekteringa. Med omsyn til investeringsplan og inngåing av endelege leigekontraktar, er det viktig med ei rask avgjerd i saka.
- e) Noverande **Knarvik tannklinikk** og **Frekhaug tannklinikk** blir nedlagt når tannklinikken i Helsehuset Nordhordland står klar til bruk.
- f) **Manger tannklinikk** vert oppretthalden. Ny vurdering når kommunestruktur og oppgåvefordeling er avklart.

- g) **Ny tannklinikk i Åsane videregående skole** blir etablert i 2020. Dette er ei samlokalisering av nåverande U Pihl tannklinikk og Rolland tannklinikk. Åsane vgs har som einaste skule i Hordaland utdanning av tannhelsesekretærar, og den nye tannklinikken skal bidra i praktisk trening av elevane på denne linja.

3. Sentrum tannhelsedistrikt

Tannhelsetilbodet i Sentrum tannhelsedistrikt vil i løpet av planperioden bli konsentrert på 5 store tannklinikkar – Solheimsviken tannklinikk, Årstad tannklinikk, Fana tannklinikk, Sørås tannklinikk og Os tannklinikk – og 2 mindre tannklinikkar – Eikelandsosen tannklinikk og Austevoll tannklinikk.

Klinikkstrukturplanen inneber vedtak om:

- a) **Tysse tannklinikk** blir lagt ned når ny tannklinikk i Indre Arna er klar til bruk i 2018. Pasientane i Samnanger kan då velja mellom å få sitt tannhelsetilbod på Eikelandsosen tannklinikk, på Indre Arna tannklinikk, Os tannklinikk eller Norheimsund tannklinikk.
- b) **Ny tannklinikk i Fana bydel** blir etablert i 2019. Dette er ei samlokalisering av nåverande Nesttun tannklinikk og Fana tannklinikk.
- c) **Ny tannklinikk på Os** blir etablert i 2022.
- d) **Tysnes tannklinikk** blir vurdert lagt ned når ny tannklinikk i Os er klar til bruk i 2022.

4. Sør tannhelsedistrikt

Sør tannhelsedistrikt vil i løpet av planperioden konsentrera sitt tannhelsetilbod på 4 store tannklinikkar – Stord tannklinikk, Husnes tannklinikk, Bremnes tannklinikk og Sveio tannklinikk.

Klinikkstrukturplanen inneber vedtak om:

- a) Fylkestannlegane i Hordaland og Rogaland samarbeider med ei samordning av tannhelsetilbodet i området Etne kommune/Vindafjord kommune (Rogaland). Dette vil bli fremma som ei eiga sak i løpet av 2016.
- b) **Rosendal tannklinikk** vert oppretthalden. Ny vurdering når kommunestruktur og oppgåvefordeling er avklart.
- c) **Langevåg tannklinikk** vert oppretthalden. Ny vurdering når kommunestruktur og oppgåvefordeling er avklart.
- d) **Ny tannklinikk i Sveio** blir etablert i 2023.

5. Vest tannhelsedistrikt

Vest tannhelsedistrikt vil gi sitt tannhelsetilbod på 4 store tannklinikkar – Loddefjord tannklinikk, Fyllingsdalen tannklinikk, Askøy tannklinikk og Straume tannklinikk.

Klinikkstrukturplanen inneber vedtak om:

- a) **Askøy tannklinikk** er under bygging, og vil vera ferdig i desember 2016. Dette er ei samlokalisering av Kleppstø tannklinikk og Florvåg tannklinikk.
- b) **Ny tannklinikk på Straume** blir etablert i 2021. Sund tannklinikk og Ågotnes tannklinikk blir lagt ned når ny tannklinikk på Straume er klar til bruk.

- c) **Ny tannklinikk i Fyllingsdalen** blir etablert i 2024. Sælen tannklinikk blir lagt ned når ny tannklinikk er klar til bruk.
 - d) **Laksevåg tannklinikk blir** lagt ned når det er kapasitet på naboklinikkane til å overta pasientane. Pasientane blir overført til Solheimsviken tannklinikk, Loddefjord tannklinikk og nye Fyllingsdalen tannklinikk.
6. Der klinikkar vert lagt ned, skal ein undersøkje om det er potensiale for kjøp av private tannhelsetenester som eit alternativt tilbod til innbyggjarane i området.